

中國方志叢書·華中地方·第七七〇號

據

清·朱潼等修，徐彥楠等纂
清同治十一年補刊本

影印

江 西 省

安仁縣志



成文出版社有限公司印行

安仁縣志

人物志

川岳鍾秀誕降偉人處爲善士出則王臣孝輕割股
忠效批鱗勲名烜赫志節嶙峋家庭之際秩序五倫
文章事業儒術循循降至巾幗殉節殞身煙霞痼癖
泉石相親游蹤偶憩談者津津丈夫有志合步芳塵

立人物門

名臣

烈女

宦業

孝婦

理學

節孝

人物志

儒林

賢淑

文苑

寓賢

處士

忠義

孝友

武功

善士

義舉

節烈

貞女

安仁縣志卷二十六 之一

人物

名臣 忠義

宦業 孝友

理學 附武功

儒林 懿行

文苑 義舉

處士

江右在三代聲教未通漢初番令吳芮始開草昧饒

郡人物權輿於此矣維時安則稱鄉設鎮雖有雄奇

偉烈亦譜諸郡餘志中顧自建縣來名臣碩彥孝子

義士代不絕書入我

朝雅化作人尤為稱盛依類筆之非以侈美談也後之

觀金人觀感而興起焉將有為者亦若是勉旃志人物

名臣

宋

湯漢字伯紀淳祐甲辰進士歷官華文閣學士中奉大夫
奉勅提舉隆興玉隆萬壽宮封安仁開國子食邑六百戶
賜金紫魚袋卒諡文清贈饒國公元祐勅葬本鄉田南詳

見理學

正祀
鄉賢

陳牽字肇芳一字偉節號鶴心父詩川以武功補沭陽令
咸淳元年父子同舉進士調滁州司戶參軍父喪免改荆
閬糧料院又以母憂去調胸山主簿制置使印應雷辟入
幕德祐元年秋牽由海道歸杭授南安軍教授不就還家
牽少與謝枋得遊會枋得起兵安仁首拔入幕執安仁令
李景景牽里人也請以家貲二萬贖罪牽曰普天之下莫

非王土家財獨非朝廷錢耶聲其罪斬之景子率鄉民五千報怨牽度勢不敵引兵趨信州會守令遁去牽聞於朝就攝郡事益王卽位牽入覲遷宗正寺簿大府寺丞領江東安撫使出上饒接應郡縣所部纔千餘人屯火燒山越數月戰潰被執至豫章元帥憐其才羈縻館留之遁去後三年復起兵尋敗入積煙山中自刎死所著有鶴心集其詩多譏刺當時之士大夫第年同時被執死焉

正記鄉賢

明

鄭倫字子夔號環谷高嶺人元湖東廉訪使明開國初應秀才詔授鎮江參謀太祖器之命主帥赫紅日聽其謀議

可以省難與僞吳戰倫伏甲士佯以弱卒拽舟若降然誘
其驍將徐某等使深入伏忽發盡獲之上嘉其功賞賚甚
厚謝事歸洪武乙丑又以博古通今召問曰峻法嚴刑人
心不改何以治之對曰臣聞繼治世者其道同繼亂世者
其道變人心不改則以中和之道治之上嘉納親製敕諭

并古詞賜歸

正祀
鄉賢

張誠大橋人歲貢任天台縣丞民苦荒田稅奏除之民感
入骨陞臨海縣志載其熟察民隱下車之初廉介有餘去
奸剔蠹政平賦均吏不敢欺後陞應天治中

正祀
鄉賢

于準字世範樓山人吳興歸子領鄉舉歷長沙衛輝判

有惠及民立祠祀之嘗吞蝗蝗悉死民得有秋遷松江同知清約慈惠罹火災拜禱遂息秩滿陞松江太守三日致仕初授胡居仁學時人高之學者稱爲平齋先生

正祀
鄉賢

舒晟字孔陽號東源巖後人宏治壬戌進士由烏程知縣遷御史剛正廉明遇事敢言巡按廣西屬吏貪詐者望風去擢知順德府改保定京輦輔郡多中貴難治晟一切裁以法不少假借遷山西副使總理紫荆關兼巡視真定地方將去民爭訴之當事復借一年御史韓雍上其事代者至乃去在山西尤注意邊防朝廷嘉其績增俸一級旣而改苑馬寺卿馬政修舉擢福建按察司獨持風裁八閩清

蕭尋以母喪去未幾卒於家歷官二十年廉介忠義之心
可貫金石沒之日家無餘貲所著有八桂旬宣錄備邊等

書傳於世

正祀
鄉賢

劉麟字元瑞號南坦赤塘人先世以武功調南京廣洋衛
副千戶遂家焉與顧璘徐禎卿稱三才子領應天鄉薦宏
治丙辰成進士時外戚張氏驕橫科道龐泮等交章論劾
帝怒悉下詔獄麟抗章申救獄寢解尋丁母艱持柩歸葬
安仁祖塋傍服除補刑部主事員外郎郎中奉璽書恤刑
畿內免死及減放流徒以下一萬七千餘刑清訟簡囹圄
空虛隨擢守紹興漢劉寵故處也璫瑾銜麟出守不修謁

甫五月撫前錄囚細故廢爲民郡人爭致贖金麟曰勤苦
諸君吾治不逮前劉敢蒙一錢惠耶旣去越人肖其像爲
小劉祠時陸崐爲南京御史以言事罷職遂同歸湖與吳
珣施侃龍覓及孫一元結社稱湖南五隱璫誅起知西安
遭父艱會宸濠構亂不及歸葬安仁後遷陝西參政屬關
內饑寇數深入朝遣貴臣督兵將厚賦以給軍興諸司莫
敢持異麟曰靖邊以爲民也饑年加賦內難獨不可恤耶
使者色沮會有赴闕陳訴者議遂寢麟亦嚴核侵漁括逋
負邊儲竟以不乏擢雲南按察使謝病歸嘉靖初起爲大
僕寺卿改刑部右侍郎尋陞工部尙書麟咨吏部盡選才

廉士充潛任仍請築外帑刷四司之財儲之特銓主事一人與臺臣同典出納上嘉麟意賜庫名曰節慎故事上供造作率關二十四監不受覆覈麟條最甚者十二事得旨裁之中貴用是切齒會上遣廷瑞督造龍袍於蘇松麟請停罷且以屬之有司便上初俞之後勅令解職久之以顯陵殿宇滲漏興功在視篆時落職閒住追前過也麟自退歸寓居長興之瀆南坦一室頽如家無餘積其爲文雅淡奇崛書法宏義獻尺牘片楮人爭寶之早參元理嘗曰士人身如處子若有過舉將盡平生業之晚歲好讀書無力築作友人文徵明爲寫竹樓五楹其像於上遺之管懸之

北壁下命之曰神機賓至則陳法書者墨以爲娛可以時
事不答郡邑政無巨細悉謝不聞公卿臺僚臚章交薦不
知也事繼母遇異母弟篤恩禮年八旬餘猶來安仁謁墓
世廟初御屏書冰清玉潔者二人一爲大理卿陳恪一爲
劉麟年八十七卒贈太子少保諡清惠

正祀
鄉賢

張鉞字文輔下梓人正德戊辰進士初宰浙之遂昌古蠻
荒之域俗用犛彊號稱難治鉞至首以教化安養爲務剛
明果斷鋤強扶弱毀淫祠興學校禁左道築城堞執法平
恕獄無冤滯以清廉著監司旌異之遂戒之曰汲水於盎
始非不澄澈久之鮮有不腐者爾信廉矣盍保其終鉞厲

聲曰水可腐鉞不可腐也會江西姚源盜蔓入浙境時承平既久民不知兵鉞倡勇敢繕守備邑賴以安以內艱去民立生祠祀之服闋擢陝西道監察御史正色敢言獨持風裁宸濠謀逆朝廷重臣有陰附之者鉞首發其奸武宗欲南巡率同官連疏以諫伏闕不起至廬中使溫諭直聲聞天下正德十六年擢巡按廣西吏部尚書某刑部尚書某皆宸濠黨也濠事敗二奸倖免鉞劾奏置之法黜藩臬貪官某及清江王府長史某等諸王不法鉞奏請裁抑皆懼而自戕老奸宿猾望風遁跡嘉靖初元疏請復經筵崇聖學其言深切時弊進永平守以外艱不赴服闋補金華

守是歲民苦赤旱倉廩告竭賑貸勿給鉞請於上司錮來
年民租復弛鹽禁以活民命屬邑永康義烏俗健訟案牘
山積鉞推誠察微澆俗頓革期月政聲大著太宰桂萼屢
致書稱勞遷浙江海道副使時倭彝漳寇出沒爲患不常
鉞嚴令申儆奸民以海舶取利乘間爲盜入境則以豪勢
爲淵藪鉞治當路者數家悉處以法由是盜賊屏跡遷福
建參政再遷湖廣按察使貪官污吏聞風遁去楚府有楊
指揮爲王爪牙導之不善竟逮治不貸搏擊彊豪人皆畏
服又遷四川右布政轉左布政進南京工部右侍郎簡工
虞之弊率郎屬以身先之會九廟災鉞上疏自劾不職乞

避賢路弭天變去之日士民惋惜家居嘗謂諸子曰吾受國恩厚雖莅官從事不敢不盡吾心然才質所限負吾君多矣沒世之後其勿以恤典爲請諸子守其訓故卒之日贈諡不及所著有南巡題卓八卷

正祀鄉賢

桂萼字子實自幼從其兄華私淑吳與弼胡居仁之緒論其學以收斂身心爲主本以孝弟忠信爲實踐以經綸康濟爲事業而天文地理禮樂名物師田水利以及醫卜農圃之書靡不究心期以致用正德辛未舉進士授丹徒知縣歷武康成安所至敦古行明教化抑豪彊有聲獨性剛執不能與時俯仰嘉靖癸未擢南京刑部福建司主事時

廷議大禮統嗣二字未明張璉先有二疏爲執政諸人沮
斥天下洶洶莫識誰何張孤立間蒞至甚喜曰是可與明
禮者比至語果合遂上疏明繼統之公辨立嗣之私同張
被召至京與廷臣辨論帝意始決三年大禮成進翰林院
學士四年陞詹事府兼學士六年陞禮部右侍郎改吏部
左侍郎陞禮部尙書七年改吏部尙書加太子太保尋加
少保八年七月命兼武英殿大學士八月致仕九月召還
帝深禮眷稱以俊彥宿學賜銀圖書二曰忠誠靜慎繩愆
匡違凡啓沃君心揚薦士類與夫軍國生民之計知無不
言九年十二月致仕卒於家贈太傅諡文襄有奏議八卷

正祀
鄉賢

按舊志鄉賢小註桂宸以上正祀十二位今遵格式
鄉賢各位抽分門類曰名臣曰理學曰儒林處士名
臣志湯漢等九位儒林志桂華一位處士志李存桂
宸二位合之仍十二位志隨類別祀可會觀匪作低
昂論下湯夏至陳道亨諸人舊鄉賢志小註
列傳八位者今仍遵式改爲名臣列後舊志

宋

湯夏字起翁崇義鄉人天聖丁卯進士倅黃州

通志黃州府志廣州

築城海上禦饑智高智高入寇竭力嬰守厯知泗泉宣三
州有政聲嘗受仁宗手詔戒獄事三百字奉親至孝親沒